

左恪靖侯奏稿初編

恪靖奏稿初編卷二十六目錄

追剿竄賊大捷現籌辦理情形摺

附陳土匪搶奪官軍輜重軍火情形片

截剿獲勝現籌辦理情形摺

官軍追剿逆匪被黃陂墟一帶土匪搶殺片

請將病故道員從優議卹片

懇請收回節制三省各軍成命及近日賊情摺

官運幫額不敷現飭疏銷籌補摺

浙軍援江克復縣城出力員弁併案請獎摺

覆陳廣東軍務貽悞情形摺

陳請改派訪查事件及應行回避摺

附陳軍營染患時疫情形片

剿辦土匪情形并請將疏縱知州革職留任摺

追剿宸賊大捷現籌辦理情形摺

奏爲官軍追剿宸賊克獲大捷現籌辦理情形恭摺馳  
奏仰祈

聖鑒事竊高進陞黃少春康國器等軍將鎮平縣城克  
復追剿獲勝後該逆正圖竄平遠八赤地方適江西婁  
雲慶一軍由長甯而來劉典所部副將張福齊總兵劉  
明燈簡桂林等從下壩馳至賊不敢犯折回大柘竄走  
其尾股尙踞河頭鄉張福齊劉明燈簡桂林等各率所  
部於八月十三夜分道疾進直抵河頭見山谷間炊火

熒然齊隊衝殺逆賊驚慌無措棄械沿山而走官軍左  
右抄擊擒斬千餘名墮崖死者千計都司蕭雅泗守備  
銜丁泰陽軍功王得勝等復從山谷中突出截殺收降  
賊目儂朝將何人僕等六百餘人其高連陞一軍追抵  
東石鄉見賊已向石正敗竄卽率所部五營躡蹤緊追  
於十三日辰刻馳抵石正適康國器所部先追至楓葉  
坑與賊接戰正相持間高連陞督各營疾馳而前奮威  
衝殺賊眾披靡紛紛奪路逃竄高連陞康國器合軍追  
殺十餘里斬賊四五千名墮崖落澗死者數千餘逆分

路奔竄一向興甯所屬黃陂墟一向羅浮司十四日高連陞飭副將張志公曹光德兩營先進自率副湘右後桂字三營繼之飭康國器所部知府康熊飛等各營從後策應張志公等疾馳四十里至黃陂墟過去之高坳上見賊大股正覓路竄走人眾路仄擁塞不通高連陞各營揚旗發號而至逆賊經官軍連日痛剿心搖膽落茲見官軍又躡蹤追及紛紛棄械狂竄官軍縱橫痛擊刀砍矛刺及自相踐踏死者約其七八千名沿途屍體枕藉奪獲賊馬二百餘匹旗幟器械無算汪逆驅諸賊

回關官軍乘勝壓擊勢不可當仍奪路狂竄追至羅阿  
時已薄暮高連陞卽飭各軍暫屯山下俟後隊到齊復  
進該逆卽於是夜急向羅淨司遁去適記名提督署衢  
州鎮總兵劉清亮由平遠馳至見賊竄羅淨卽連夜跟  
蹤追擊十六日黎明汪逆率黨甫由羅淨司西門出竄  
劉清亮督軍追及殲斃後股悍賊甚多奪獲騾馬多匹  
旗幟器械無算該逆狂竄赤石司其前隊已由間道出  
黃貝嶺竄至絲茅坪距江西長甯縣公墟五十里時已  
革總兵王開琳已進駐鷲公墟探知賊逼江境卽於十

九日黎明率所部六成湊出龍川所轄小山墟迎擊營  
官鄧仕高王開氣熊常富羅瑞山湯有光等行抵細均  
墟適遇汪逆頭隊四五百人由絲茅坪蜂擁而來羅瑞  
山王開氣等分兩路抄擊熊常富等隊由中路猛進該  
逆猝不及防紛紛驚潰官軍追殺數里該逆後股踵至  
王開琳當飭龔隆貴郭德馨曾桂堂楊大亨等各營從  
左右策應喻勝榮喻啟英陳清泰莫坤和各營繞出賊  
後截殺該逆拚死拒戰熊常富鄧仕高當先衝入賊陣  
手刃悍賊數名賊仍敗走官軍追至絲茅坪沿途斃賊



數百名生擒長髮老賊三十餘名始收隊還計十三十四十九等日諸職實其斃賊一萬數千解散不計其數據生擒賊俱汪逆自鎮平竄去晝夜狂奔刻無停趾悍黨已殲除及半其僞平東王僞祐王及霆營叛勇黃矮子等股則已殲除逃散殆盡矣此各軍前截後追克獲大捷之實在情形也竊汪逆詭謀竄越江西覓生路闕軍扼之武平不能北竄乃改由鎮平西南犯平遠適江軍席寶田截之東石閩軍自後急躡之復由大柘以向甯興之黃坡墟羅浮司闕軍追之急復折而北趨圖

由江西之長甯竄去頃據各路稟報賊蹤已竄至長甯  
交界之小山墟青龍墟洋坑一帶賊衆之尙存者雖未  
知其確數然以各軍追賊行程計之賊蹤一日卽盡則  
逋誅者亦必無多江軍席寶田婁雲慶兩軍已由平遠  
折回長甯王開琳周寬世兩軍分扼長甯之篁鄉堡鵝  
公墟等處賊如由此路竄江西江軍截其前閩軍躡其  
後自可共收夾攻之效惟由江粵邊境翻山西竄江軍  
猶可橫出迎頭截之閩軍則入粵以後處處俱成尾追  
之勢譬猶捕鹿有其犄之無與角之終必絕塵而奔也

臣宗棠慮高連陞所部兵力尙單已飭記名提督署衛州鎮總兵劉清亮所部三千名與高連陞同作一路并康國器關鎮邦所部五千餘名新收降卒千餘名統歸高連陞節制調遣規賊所向由粵東躡蹤前進爲追勦之師劉典所部照前議由江西會昌安遠信豐趨南安並飭黃少春一軍由平遠出安遠信豐繼之冀助江西之防而扼湖南之隘爲攔頭之師計兩路出境及先駐連境王開琳一軍已近三萬人福建得勝之軍除蘇軍八千遣回江蘇王德初一軍回駐閩境外餘悉資遣以

行矣聞粵江西交界山徑犬牙相錯險遠異常各軍相距日遙文報旬餘始達上等恐奏報稽遲上煩

宸廑已分咨高連陞劉典黃少春等以後戰事咨請江西廣東各該省督撫代奏以期迅速而免歧誤臣宗棠俟各路軍事及轉運事宜布置就緒後再旋省署其王德榜一軍凱旋後應暫留潯泉一帶搜勦餘匪而資鎮壓所有此次追勦出力將弁可否由臣等存記彙案請獎出自

天恩理合恭摺馳

奏伏乞

皇上聖鑒訓示施行再此摺係臣宗棠主稿合併聲明

謹

奏 同治四年九月初三日

軍機大臣奉

旨另有旨欽此

附陳土匪搶奪官軍輜重軍火情形片

再正拜摺間接據延建邵道康國器稟報八月十四日  
知府康熊飛副將吳光亮等隨同高遷陞追賊至黃陂

據過去數里克獲大勝後十五日高連陞仍率隊先進  
康熊飛等繼之速發探馬向前偵探不見一賊謂之士  
人僉稱賊衆連夜狂奔已至巖下相隔六十餘里康熊  
飛等疾馳十餘里見沿路山勢峻惡樹木陰翳人馬不  
能並進心竊疑之又行數里忽聞前面礮聲不絕知高  
連陞一軍業已接戰即催各營速進逆賊數千從兩邊  
山坳突出高連陞麾軍迎敵康熊飛等亦從後殺人斃  
賊多名汪逆復率黃衣紅衣悍賊層層逼兵而上都司  
關鎮邦匹馬直取江逆胸受矛傷營官馮南斌等疾馳

往救關鎮邦猶裹創力戰鎗子復中胸脛親兵急欲負之而走關鎮邦叱之曰賊盡裂糜令各勇奮前力戰手及悍賊數名賊以長矛戳刺其喉殞命馮南斌亦身受重傷親兵從死者五十餘人各軍益憤康熊飛吳光亮羅洪標熊應烈等大呼陷陣與高連陞一軍併力衝殺縱橫決盪十餘次賊漸不支詎白水寨及沿途各土堡伏賊盡起後面土匪亦齊聲吶喊助勢直抄官軍之後康熊飛吳光亮等與高連陞商以後隊作前鋒前隊作後殿排開鎗礮四面轟擊傷賊甚多賊圍始解官軍卽

乘勢殺出在於地勢稍寬之處整齊隊伍分投接戰土匪四散奔逃汪逆亦同時竄走康熊飛等收隊後細訊被擄逃出勇丁據稱十四日行抵黃陂墟隔大隊不過數里忽遇大夥土匪將輜重軍火盡行搶去勇丁被害百餘名高連陞營中落後勇夫則概被肢害並訪悉汪逆自關人粵境後黃陂墟羅岡白水寨一帶土匪皆與勾結茲汪逆因連日受挫恐不得脫以重金賂該處土匪先給官軍入伏而後截奪輜重軍火十六日高連陞康熊飛仍整隊往追午刻馳抵羅浮賊已由羅浮下面



過河折斷浮橋竄走矣竊汪逆自鎮平竄出經官軍迭  
次勦敗其勢本已窮蹙詎又勾結黃陂墟等處土匪乘  
官軍遠道窮迫於山徑叢雜之間潛行設伏致有此挫  
康國器一軍據稟陣亡弁勇二百十六員名受傷弁勇  
三百十五員名被土匪殺害勇夫一百餘名高連陞一  
軍亡傷若干尙未據呈報查粵東嘉應一帶民情狡猾  
克頑實爲戎首上年前福建臬司張運蘭所部湘勇駐  
嘉應州時被方耀殘殺湘勇二百餘名案猶未結本年  
春間高連陞黃少春等所派勇丁赴粵境偵探者亦被

截殺多名克復平和縣城時黃少春所部勇丁因偵探  
賊蹤經過粵界被粵軍殺死十餘名自昨康國器稟報  
七月十三十四等日大勝臣差親兵同康國器所遣報  
捷親兵同覽銀牌八百面功牌四百張往犒其軍行至  
鎮平嘉應交界地方亦被該處國總擒奪並斃康國器  
來勇一名臣均咨廣東督撫臣查辦嚴懲自來惟咨覆  
臣於閩境肅清之先遣康國器回鎮都率所部入粵而  
不敢遽派各軍者原以臣部多楚人恐彼此尋衅不已  
致誤大局不如以粵軍入粵庶可相安也旋因長樂失

陷粵中軍情倍緊又屢奉

寄諭防備不准稍分畛域不得不倍高連陞等軍速進  
鎮平自克復鎮平以至追勦竄賊闕軍六晝夜未嘗停  
趾未聞粵軍一卒一騎會勦此次蹙蹤薰追土匪又敢  
肆其兇頑載其輜重軍火受賊重賄戕害官軍致垂盡  
餘氛得以乘隙逸去現據報賊已盡入江西邊境兇猷  
復張康國器一軍已暫回興甯稍資休息高連陞劉清  
亮兩軍仍跟蹤追剿所望江西各軍能竭力堵遏不任  
闖入或尙可收夾擊之效然實不敢必也可否

旨飭下廣東督撫臣嚴辦土匪以弭後衅出自

聖裁所有力戰陣亡之擬保叅將花翎都司關鎮邦沈  
毅勇敢屢著戰功應請

飭部照副將例從優議卹擬保都司外委康達本擬保  
遊擊藍翎都司銜補用守備李恒擬保游擊花翎都司  
銜補用守備王興寶擬保守備把總梁材擬保千總大  
品軍功吳世欽均請

飭部照擬保官階從優議卹以慰忠魂理合附片陳明  
伏

聖鑒訓示謹

奏 同治四年九月初三日

軍機大臣奉

旨另有旨欽此

軍機大臣 字寄閩浙總督一等恪靖伯左宗棠廣州  
將軍兼署兩廣總督瑞麟江西巡撫劉坤一署廣東巡  
撫郭嵩燾同治四年九月二十四日奉

上諭左宗棠等奏追賊獲掠現壽辦理情形並粵省士  
匪助逆襲陷閩軍請飭粵省嚴辦各摺片汪逆由鎮平

竄出經左宗棠督兵追擊疊獲大勝斃賊一萬數千名甚屬得手前據劉坤一瑞麟等各奏稱賊已由江西竄出定江一路直撲龍南已疊諭左宗棠盡力窮追並飭廣東江西等省各督撫會勦堵截著左宗棠仍遵前旨嚴檄各省之軍實力追擊瑞麟劉坤一郭嵩燾分路堵截毋任紛竄至汪逆由鎮平逃出勢本窮蹙不難立時殄盡乃該處土匪竟敢貪受汪逆金帛暗伏要路於高連陞等追至黃陂墟時突出橫截奪去輜重軍火並將兵勇戕害甚多帶勇員弁被戕甚眾以致汪逆得以從

容遁去此等土匪名爲擄圍實與叛賊無異可恨已極  
若不趕緊勦滅勢必又釀成巨股瑞麟郭嵩壽責無旁  
貸著迅派兵勇將此起土匪會同閩軍實力勦洗務須  
掃除淨盡不准一名漏網以警克頑其方耀殘殺張運  
蘭所部湘勇二百餘名及高連陞黃少春所部勇丁在  
粵被戕並左宗棠差兵齎往銀牌等件赴粵被該處團  
總槍殺各案均著瑞麟郭嵩壽卽行捕獲賊犯正法毋  
稍寬縱方戰陣亡之擬保參將都司關鎮邦著交部照  
副將例從優議卹擬保都司外委康達木擬保遊擊都

司銜守備李恆王興寶擬保守備把總梁材擬保千總  
六品軍功吳世欽均著交部各照擬保官階從優議卹  
將此由六百里各諭令知之欽此



截勦獲勝現籌辦理情形摺

奏爲官軍截勦獲勝現籌辦理情形恭摺馳

奏仰祈

聖鑒事竊已革總兵王開琳進駐江西長甯鵝公墟八月十九日迎勦獲勝後逆全股竄至小山墟青龍墟羊坑等處並分股擾及瑤田距鵝公墟十餘里仍圖由長甯竄江西二十一日王開琳出隊至瑤田將賊擊敗賊知此路不能偷越急欲改道向天花寺旁竄二十二日王開琳率所部七成隊由瑤田進剿賊於嶺路險仄

之處橫築兩卡以阻官軍王開氣熊常富奮勇當先突  
入賊卡立斬守賊十餘名餘賊驚潰官軍追過烏鴉寨  
見賊又砌石卡一座王開琳飭鄧仕高羅瑞山湯有光  
喻起英陳清泰莫坤和各營從左右兩路環擊熊常富  
等由中路猛進破柵直入王開氣會桂堂繼之立將石  
卡平毀賊眾六七千排列山岡及田隴一帶蜂擁而來  
王開琳督各營分路齊進該逆拚死猛撲糜爛兩時陣  
斬悍賊五六百名內有騎馬賊目二名執黃旗賊十餘  
名熊常富復怒馬陷陣手及黃衣賊一名王開氣會桂

堂各斬悍賊數名賊稍却官軍乘勢追至青龍墟伏賊  
由兩邊山谷中突出敗賊亦回頭死拒適鄧仕高喻啟  
英陳清泰三營由右路抄至該逆猝不及防紛紛潰走  
隨處死者不計其數王開氣曾桂堂湯有光等由中路  
追殺亦斃賊千餘名躡追二十餘里忽小山墟出賊來  
援洋鎗洋礮子驟如雨注方有才督隊力戰王開琳率  
親兵從後策應正相持間羅瑞山熊常富莫坤和等馳  
至羅瑞山當先衝擊熊常富莫坤和從左右兜勦喊殺  
之聲震動山谷立將後股援賊擊敗追過小山墟里許

始行收隊計是役共斃賊數千名生擒七八百名內有  
長髮老賊百餘名訊明正法奪獲旗幟鎗砲千餘件拔  
出難民無數餘逆悉向天花報一路逃竄是夜王開琳  
率隊疾追比曉行抵白水渡見沿途僅餘一二千賊皆  
患病帶傷不及奔走者當卽分別斬釋復馳十餘里追  
及賊之尾隊該逆尙於田隴列隊回撲王開琳飭各營  
分路縱擊斬馘千餘該逆且戰且走追至下歷司羣賊  
皆翻山越嶺而遁此王開琳一軍先截後追連獲勝仗  
之實在情形也其江西席寶田婁雲慶兩軍戰事未據

稟報計江西撫臣亦必馳陳竊汪逆本謀竄江因平遠  
未能竄越遂圖竄長甯茲經王開琳擊敗復由間道遁  
入龍南縣境據王開琳稟江西席寶田婁雲慶兩軍已  
折赴南安如能扼其奔衝賊必伺隙橫出以圖竄擾江  
粵湘三省邊境劉典一軍臣宗棠飭其由安遠信豐前  
進本擬爲攔頭之師詎劉典甫抵會昌賊蹤已入龍南  
刻下局勢惟望江粵各軍能分守邊隘數日截賊出路  
俟劉典黃少春等由江西南安趕到或尙可圖夾擊之  
效否則又成尾追也其高連陞康國器兩軍自鎮平克

復後窮追六晝夜未稍停趾正期得手爲土匪所紿深入伏中輜重軍火又爲土匪截搶淨盡停追一二日賊蹤業已遠颺不能追及矣如賊爲南安官軍所扼折竄南雄自當迅速馳勦就閩軍而論賊在江西湖南邊境當責劉典黃少春兩軍會合江楚防軍夾擊賊竄粵東當責高連陞劉清亮康國器等軍會合粵軍夾擊惟當竭力圖之至於事機之應手與否則固不能預料也所有此次勦賊出力已革總兵王開琳可否請

旨開復革職處分已革叅將熊常富可否免其鞫問軍

功卹仕高可否以守備補用並加都司銜以示鼓勵  
哈恭摺馳

奏伏乞

皇上聖鑒訓示施行再此摺係臣宗棠主稿合併聲明

謹

奏 同治四年九月初七日

軍機大臣奉

旨另有旨欽此

官軍追勦逆匪被黃陂墟一帶土匪搶殺片

再康國器一軍追賊至興甯所屬黃陂城輜重軍火被  
土匪截搶並戕害勇丁百餘名業經臣等馳奏在案茲  
據高連陞稟報十四日馳抵羅岡十五日督軍先進康  
熊飛繼之沿途詢之士民均稱賊已連夜竄走六十里  
不在羅浮司矣而羅岡去羅浮司尚四十里嶺谷深幽  
樹木叢雜官軍行二十餘里見山徑險仄愈甚疑其有  
伏詢之士人猶以賊蹤去遠爲辭比高連陞派弁勇數  
十人搜山而進瞥見兩邊山坳伏賊突起卽飭張志公  
曹光德上山搜殺甫將伏賊擊退汪逆又親率悍黨數



千騎從前面撲來敗賊亦回頭死拒高連陞飭錢桂仁所部並正左營四哨突前衝殺自督親兵策應逆賊愈裏愈厚官軍再接再厲猛戰十餘合斃賊甚多賊勢稍却適康熊飛督隊馳至正欲乘勢併力痛勦詎白水寨及沿途各土堡伏賊盡起從後抄來高連陞以地勢險窄不能展步遂與康熊飛等以後隊作前隊前隊作後隊且戰且退殺透重圍至地勢稍寬之處排齊隊伍分數路向前衝擊該處土匪復糾聚一二萬人四面撲來沿途助逆各土堡亦助施鎗礮高連陞與康熊飛等分

投迎敵血戰兩時將汪逆擊敗土匪四散奔逃始收隊  
回至羅岡該處土匪又出攔路搶殺弁勇多傷斃者先  
是十四日高連陞追賊過大柘石正黃陂墟等處輜重  
軍火在後相距十餘里被該處匪徒將押解弁勇及挑  
夫百餘名盡行殺害輜重軍火搶劫一空高連陞急飭  
哨長花翎叅將鄒朝瑞藍翎千總胡得貴李起生帶勇  
二百名馳往查探十五日早甫抵黃陂墟復遭該處土  
匪戕殺殆盡羅岡白水寨一帶匪徒又與賊通肆行搶  
殺高連陞等急於追賊未暇過問十六日仍與康熊飛

督隊追勦午刻馳抵羅浮司賊早已連夜遁去矣復追  
二十餘里至樟樹坪河邊浮橋被賊拆斷欲渡無舟高  
連陞因裹糧已盡率隊回至羅浮該處土民又已閉糴  
後路土匪充塞軍火糧餉不能轉運不得已忍饑暫紮  
三日回駐興甯縣城伏查高連陞一軍十三十四十五  
等日諸戰陣亡弁勇尚不過二百名其被土匪戕害者  
竟至三百餘名之多粵境嘉應一帶徧地匪蹤種種克  
悖情形實與叛逆無異臣等昨已請

旨飭下廣東督撫臣嚴辦土匪以弭後衅合再據稟陳

明所有此次刀戰陣亡之擬保副將銜花翎叅將王得  
盛擬保遊擊花翎都司銜守備李鳳翔遊擊銜花翎都  
司周興義擬保遊擊花翎都司於長林擬保都司花翎  
守備王汝洪擬保都司藍翎守備銜千總朱傳孝擬保  
守備藍翎千總李光斗及被匪戕害之花翎叅將鄒朝  
瑞藍翎千總胡得貴李起生均請

飭部照陣亡例從優議卹以慰忠魂伏乞

皇上聖鑒訓示謹

奏 同治四年九月初七

軍機大臣奉

旨另有旨欽此

請將病故道員從優議卹片

再按察使銜福建補用道張恆祥係前福建臬司張運  
蘭之姪上年張運蘭勦賊陣亡接帶所部凱營由汧州  
轉戰而前迭次攻勦甚屬出力闔境肅清後復隨提督  
黃少春進駐分水坳隨同克復鎮平縣城該道自七八  
月以來卽因積勞致疾屢次稟求遣撤等以軍事方  
殷諭其力疾從征勉圖報稱鎮平克復始飭令將所部

遣撤詎八月二十五日竟在營染患時疫病故實堪憫  
惜相應請

旨飭部將張恆祥照道員立功後病故例從優議卹理  
合附片具

奏伏乞

聖鑒謹

奏 同治四年九月初七日

軍機大臣奉

旨張恆祥著交部照道員立功後病故例從優議卹欽

此

初編卷二十六

九

懇請收回節制三省各軍成命及近日賊情摺

奏爲遵

旨覆奏事竊臣於九月初五日正拜摺間欽奉

寄諭孫長敘奏遵

旨調派各軍赴粵會勦一摺據稱林逆竄往長樂翟逆  
尙距龍川康逆由鎮平移糧東石地方似有他竄之意  
現飭令樓雲慶等會同提勦而兵力尙單且須兼顧江  
境惟有步步爲營以初爲堵請特派重臣進駐粵境節  
制三省各軍督勦等語康逆一日不除粵境一日不靖



江關邊防迄無了期自應合三省兵力圍逼夾攻迅圖殄滅第主客各軍營數既多職分又各不相下且該將領進止機宜須俟各該省督撫指揮調度勢必遷延觀望坐失事機左宗棠廓清浙閩威望素著着卽督率高連陞馳赴粵境調遣三省之軍相機合力攻勦所有江西廣東援勦各軍均着歸左宗棠節制以一事權務將鎮平踞匪刻日殲除林翟諸逆次第掃蕩俾粵省一律肅清全功克竟方爲不負委任汪海洋以敗殘餘孽竄踞鎮平畧軍進攻數月迄未得手殊屬疲玩著瑞麟等

嚴飭李福泰方耀等認真攻勦迅拔堅城如敢再舉因  
循卽著左宗棠從嚴叅辦劉坤一計期應已抵任並著  
恪遵前旨檄飭江境防軍入粵會勦聽候左宗棠調遣  
以期迅速藏功欽此竊維近時賊勢與孫長絨前奏已  
迥不相同鎮平克復閩軍緊追六晝夜汪逆已竄江西  
長甯龍南各地境以趨南安龍川之逆據報亦由粵東  
竄江西邊界與汪逆合當卽遣火姑一股其林正揚一  
股聞已縛僞來土陸順德投入粵軍粵境無賊江境有  
賊臣自無庸人粵調遣各軍臣自閩省肅清後揣汪逆

必仍竄入江西屢經陳奏其調康國器關鎮邦兩軍入  
粵攻鎮平之東與南而令高連陞黃少春劉清亮嚴扼  
武平之巖前中赤下壩以攻其北劉典一軍分扼武平  
及灌田一帶者意設爲重複之險誘賊由閩竄江節節  
截勦俾無遺種也嗣廣東以閩省馳賊入粵爲言以康  
國器關鎮邦兩軍爲少仍催閩軍會勦而其時又聞賊  
已入龍川陷長樂臣恐賊深入粵東腹地不得已催高  
連陞黃少春等移軍前進以綴之惟閩軍旣踰嶺入粵  
則步步皆落賊後處處皆成尾追殊不得勢然猶私幸

粵軍能除龍川長樂股匪得合鎮平西南之圍收夾擊之效不料鎮平克復賊從西南竄出犯平遠不得折趨江西長甯終遂其入江本謀閩軍窮追六晝夜粵東竟無一騎一卒會勦也賊既入江西邊境橫出龍南定南邊界以趨南安以現在局勢言之南安有江軍攔頭廣賁田婁雲慶王開琳三軍躡擊劉典一軍復從會昌安遠信豐以向南安而扼湖南桂陽邊隘似大局尙可收夾擊之效然終慮逆賊乘虛突竄山路處處可通官軍之堵者不能徧堵皆將成尾追之局耳賊之蓄意竄江

西欲由江西別覓生路其勢必於江粵湘三省邊界奪路狂奔臣所部各軍均已分道入粵入江其駐漳州者僅祇親兵八百人覘去賊已千數百里勢不相及文報往還徒滋曠悞前摺請將高連陞戰事歸廣東督撫臣代奏黃少春劉典兩軍戰事歸江西撫臣代奏者此也兵機最忌遙制臣非敢有意推諉伏懇

收回節制三省各軍成命俾各將領得免觀望遷延實於大局有益臣謹已分咨江粵各督撫臣矣至辦賊必須得人用兵必須選將古云天下危注意將卽今督撫

之任也督撫雖不必親履行陣要必精於選將委任而  
責成功步以守則固以戰則克而賊無不滅矣瑞麟所  
奏粵東三大將以臣所聞驕快有餘樸勇不足宜其不  
能戰也廣西自劉長佑蔣益澧去後僅恃劉坤一支持  
張凱嵩當咸豐二三年間作牧令時聲望甚著近不如  
前臣前接其來咨劉坤一赴任後以記名總兵五月亮  
代統其軍臣維三月亮上年帶勇在浙經臣奏參摘頂  
准其假歸其人向尙勇往近多嗜好用充統領竊慮其  
必有貽誤也概自金田逆匪作不以來天下受其荼毒

而賊首則皆廣東人卽楊秀士肅朝貴雖籍廣西而亦廣東流民之佔籍者廣東民徭類多狡猾兇頑出人意表此次從賊歸來者又多以投誠倖免恐而廣兵事尙無已時若得治軍之才如李鴻章蔣益澧其人禍亂庶有身乎臣心有所知不敢不畢獻其愚伏祈

聖鑒謹

奏 同治四年九月初七日

軍機大臣奉

旨另有旨欽此

軍機大臣 字寄同治四年九月二十八日奉

上諭左宗棠奏近日賊情調收回節制三省成命並官軍勦賊獲勝及土匪戕害官兵情形各摺片覽奏均悉賊由粵境竄擾江西定南龍南之交其勢甚張疊經諭令左宗棠瑞麟郭嵩燾劉坤一等派兵會勦並令李瀚章嚴防楚境茲據左宗棠奏逆氛已竄江西勢將於江粵湘三省邊界奔路狂奔該督現駐漳州去賊甚遠兵機最忌遙制請收回節制三省各軍成命等語賊蹤雖距閩粵較遠左宗棠即可不必入粵惟各路將領必須



有威望重臣節制調度方足以一事權不至各懷觀望致誤事機左宗棠性當視賊所前往往江西居中調撥相機剿辦以期迅殄狂氛俟此股賊匪殄除淨盡方能卸此重任此次所請收回成命之處著毋庸議其八月二十一日寄諭命查之件仍著左宗棠迅速查辦據實覆奏劉坤一當飭席寶田等軍乘勝痛剿瑞麟郭嵩燾懍遵疊次諭旨督率粵軍跟蹤夾擊黨任令該將領等遲延觀望縱賊不剿必惟該督撫等是問李瀚章仍遵前旨督飭防邊各軍實力扼截不得任賊竄突王開琳

一軍進駐江西長甯勦賊獲勝尙知愧奮已革總兵王  
開琳著開復革職處分已革叅將熊常富著免其拏問  
軍功鄧仕高著以守備補用並賞加都司銜以示鼓勵  
高連陞等軍奮勇追賊爲粵東上匪截殺戕害竟至三  
百餘名之多實屬情同叛逆可惡已極著瑞麟郭嵩燾  
懷邊前旨趕緊嚴拏盡法懲治嘉應一帶徧地土匪尤  
應捕治淨盡不可稍涉姑容敷衍了事貽後日無窮之  
患左宗棠片著抄給瑞麟等閱看所有力戰陣亡之擬  
保副將銜叅將王得盛擬保遊擊都司銜守備李鳳翔

遊擊銜都司周興義擬保遊擊都司於長林擬保都司  
守備王汝洪擬保都司守備銜千總朱傳孝擬保守備  
千總李光斗及被匪戕害之叅將鄒朝瑞千總胡得貴  
李起生均著交部照陣亡例從優議卹以慰忠魂將此  
由六百里各諭令知之欽此

官運籌額不敷現飭疏銷籌補摺

奏爲開省西路官運籌額第三十四兩屆期滿核計  
額數不敷現飭疏銷籌補恭摺具

奏仰祈

聖鑒事竊照開省西路光建等幫倒懸蓬額前因乏商  
辦運經前督臣劉韻珂撫臣徐繼畲援照粵省潮橋成  
案

奏請捐輸運本委員試辦聲明每屆一年如有盈餘卽  
儘數繳存道庫以備續銷不足之年酌提彌補仍將每

年盈絀確數專摺

奏報計自道光二十九年七月初一日開幫起至咸豐十一年六月抵止共歷十二屆所有每年收支出入各數均經先後具

奏在案茲自咸豐十一年七月初一日起扣至同治元年六月抵止第十三屆一年期滿據官運總局委員冊報現辦西路光建兩幫併兼辦順昌南平等幫各懸額共計領過運本銀一十八萬五千兩內除九十兩屆被匪搶失盈幾等項未經歸補銀三萬二千三百六十四

兩五錢一分六釐現經片案籌議勻賠應俟追回清楚  
再行核實作收外實存運本銀一十五萬二千六百三  
十五兩四錢八分四釐買備場鹽轆轉運除完納課  
雜及支銷各項經費之外實存省幫各館埠鹽錢倉船  
器具等項合錢共一十五萬二千八百五十五兩四錢  
五分八釐內應歸還原領成本存銀一十五萬二千六  
百三十五兩四錢八分四釐外計獲盈餘銀二百一十  
九兩九錢七分四釐併據該局員造冊開報又自同治  
元年七月初一日起至同治二年六月抵止十四屆一

年期滿並據冊報該幫各縣額共計原領成本實存銀一十五萬二千六百三十五兩四錢八分四釐買備場鹽轆轉運除完納課雜及支銷各項經費之外實存省幫各館埠鹽錢倉船器具等項合共銀一十三萬二千七百三十四兩九錢一分九釐又光建兩幫雜欸項下另存銀一千四百五十九兩九錢二分六釐統共銀一十三萬四千一百九十四兩八錢四分五釐以之歸還原領成本計不敷銀一萬八千四百四十兩六錢三分九釐此項不敷銀兩因二年三月間逆首李阿四勾

結土匪滋擾焚掠商販裹足幫鹽滯銷以致辦理稍有  
短絀應請俟下屆獲有盈餘陸續歸補還欸等情由福  
建鹽法道吳大廷會同前布政使張鈐慶及總辦官運  
局務浙江督糧道周開錫具詳請

奏前來臣等覆查無異除節酌不敷銀兩趕緊設法疏  
銷籌補外臣等謹合詞恭摺具

奏伏乞

皇太后

皇上聖鑒飭部查核施行謹



奏 同治四年九月十六日

軍機大臣奉

旨該部知道欽此

浙軍援江克復縣城出力員弁併案請獎摺

奏爲查明浙軍援江克復崇仁東鄉宜黃縣城在事出力員弁併案請獎恭摺仰祈

聖鑒事竊前署浙江按察使劉典記名總兵王開琳上年赴江援剿於七月初十日克復崇仁東鄉縣城十二日克復宜黃縣城經楊岳斌沈葆楨先後奏奉

諭旨准其擇尤保奏在案旋據各營開摺呈送前江西撫臣沈葆楨核辦沈葆楨以劉典王開琳所部皆浙軍復咨歸臣核辦本年四月渡江西撫臣孫長紘奏保克

復崇仁等縣城出力員弁復欽奉

諭旨所有劉典王開琳兩軍出力員弁勇丁仍著孫長  
敘知會左宗棠迅卽查明保奏俾免向隅欽此准孫長  
敘恭錄咨會到臣伏查上年道首李世賢等各股鼠擾  
江西蔓延撫州建昌一帶幸劉典在籍招募勇丁迅速  
馳援力扼臨江保全贛西各縣嗣復與王開琳會合江  
西各軍克復崇仁東鄉宜黃各城在事文武官屬異常  
奮勉除記保以藍翎千總把總外委拔補者咨部註冊  
外所有奏保各員理合開具清單恭呈

御覽伏乞

皇上聖鑒訓示施行甬王開琳所部老湘營有上年正月八月兩次截勦竄賊歸入湖州案內保獎者是以此次俱照擬保官階續行請獎合併聲明謹

奏同治四年九月十六日

軍機大臣奉

旨另有旨欽此

覆陳廣東軍務貽誤情形摺

奏爲遵

旨覆陳事竊臣於九月十三日接准軍機大臣字寄同治四年八月二十一日奉

上諭郭嵩燾奏多病蹇澀請准開缺一摺另奏廣東軍務約有數誤請將督署幕友徐灝攬退請飭左宗棠督辦鎮平賊匪並覆陳御史潘斯濂條陳各片覽其所奏語多負氣本日已明降諭旨將郭嵩燾嚴行申飭令左宗棠赴粵查辦矣郭嵩燾與瑞麟意見不合致多掣肘

何妨據實陳奏乃竟稱疾乞退殊失和衷之道其所陳  
廣東軍務致誤之由如李福泰扮飾軍情鎮平失守二  
十餘日李福泰並未稟報方耀防堵平遠數月聞賊至  
而先期避去致令全軍潰散卓興駐省兩月索餉二十  
萬由老隆調赴興甯徑報率勇歸家已而復稱各勇均  
經招回瑞麟桀不查問長樂失守惠州戒嚴郭嵩燾欲  
駐紮惠州瑞麟將會商之司道而斥且對眾宣言巡撫  
欲加整頓卓興方耀將反如果實有其事皆屬有意誣  
別幕友徐灝係屬何人郭嵩燾但請擯退而未鞠言其

如何盤踞把持敗壞風氣廣東盜風近來能否稍戢桑  
園園等處生息銀兩已否歸還前有諭旨令左宗棠馳  
赴鎮平督辦軍務將廣東江西福建三省兵勇節制調  
遣刻下計已接奉此旨卽著就近將郭嵩燾所奏各節  
確切訪查該署督撫因何不協究竟爲公爲私據實覆  
奏請旨遵行粵省軍務万般若疆臣各存意見不能和  
衷將士復粉飾軍情不肯盡力大局何堪設想左宗棠  
秉心公正諒不肯稍涉徇代人受過郭嵩燾摺片四  
件均著抄給閱看欽此臣維鎮平克復後閩軍緊追六

晝夜汪逆全股竄江西長甯龍南各地境廣東龍川之賊亦由粵東竄江西邊界江西有賊廣東無賊情形業經臣於九月初七日馳報並懇

收回調遣三省兵勇

諭旨免各軍將領觀望遷延計江西撫臣劉坤一已履新任江西辦賊有人所有各戰情形自已據實陳奏矣頃據廣東提督高連陞函報八月二十五六等日汪逆全股竄至江西定南信豐連界小江墟一帶經席寶田與李慶等擊敗二十八日退竄龍南暫踞黃沙徑地方



察度賊情又將假道廣東南韶以犯湖南而入廣西也  
汪逆之竄踞鎮平本因計無復之姑假息於此爲餘死  
之計其必不欲久留於粵者緣汪逆籍隸安徽全椒其  
死黨多江北江西湖南劇賊向與廣東股匪氣類攸分  
也臣之遣康國器關鎮邦兩軍入粵以助粵軍而分布  
各軍擬助江西保湖南邊隘者蓋謂制流寇之要在審  
其必出之途俟其竄動而要擊之庶可省兵力而策全  
効若待賊蹤他向形勢畢露而後圖之節節尾追殊不  
得勢耳閩軍駐武平邊隘距鎮平縣城四十五里扼賊

由閩竄江要衝廣東必欲催其入粵而粵軍之分攻鎮平者僅祇方耀一枝又距鎮平百餘里鎮平未克不會閩軍攻城鎮平既克不會閩軍追勦是有會勦之名無會勦之實也迨閩軍分攻鎮平之北東南三面江軍進平遠東石遙扼其西北一面粵東所宜防者僅西南一面耳八月初五日長樂之賊既已獻城則粵軍卓與一枝正可由長樂以守興甯力扼西南竄路乃閩軍於八月初九夜復鎮平縣城卽躡蹤猛追六晝夜至羅岡已越興甯而前未見方耀之軍亦並未見卓與之軍而龍

川之賊反得與汪逆會合並越江西長甯地界長樂距  
興甯不過百里兩日可到賊之由鎮平竄走在長樂收  
復後五日其展轉而竄至興甯則在九日之後粵軍果  
欲嚴西南之防與閩軍收夾擊之效豈九日不能爲百  
里之行胡爲遲遲又人避賊而兼避閩軍乎此不能爲  
卓興方耀解者也臣於粵軍將領長短素無所知初見  
瑞麟鈔摺咨會以方耀卓興爲粵中大將意其不能戰  
或尙能守不圖其驕與怯俱貽誤一至於此郭嵩燾所  
陳數誤自係實在情形茲第就瑞麟迭次奏報粵中戰

事情形及竄賊踪跡與粵軍進止時日言之事理明白  
實有不待訪察而知者瑞麟之用方耀卓興或亦有取  
於使貪使詐之說無論貪詐本不可使卽欲藉其詐力  
以濟一時亦須駕馭鞭策俾其有所做畏不致誤事方  
收使貪使詐之效而不至爲貪詐所使瑞麟於方耀卓  
興貽誤種種情形不據實奏叅又從而徇之縱之此不  
能爲瑞麟解者也臣察廣東軍事之誤蓋不止郭嵩燾  
所陳數端方賊之在閩也

諭旨屢飭粵軍在閩者歸臣調遣而前督臣毛鴻賓恐

臣調令深入空粵境之防奏請留粵調遣不知臣於所部王開琳老湘全軍尙以嚴扼江西竄路爲主未嘗調令深入江粵事均一體豈有調粵軍入閩不顧粵境之理使方耀於賊竄大埔折撲永定之時稍能不分畛域與劉典康國器王開琳諸軍共圖夾擊但出紮數十里相持數日而高連陞黃少春等軍已從漳州馳至矣汪逆不能越永定以至武平更何能越武平以犯鎮平乎乃閩軍猛追於後粵軍不會堵於前致賊得從夾縫中逸出以陷鎮平翻以閩軍七八萬驅賊入粵爲言實則

閩軍破賊原祇三萬五千餘並無七八萬之衆賊自乘  
廣東之虛而入並非由閩軍之驅也此一悞也婁雲慶  
一軍爲江西防邊之軍然距粵界僅數十里臣前因郭  
嵩壽慮賊將入粵奏請

飭婁雲慶兼防江粵之交而兩省分濟其餉廣東立予  
奏駁遂止不行致平遠鎮平被賊竄入此又一悞也郭  
嵩壽勤懇繕實廉謹有餘而應變之略非其所長臣曾  
以

聖明在上海事宜慷慨直陳相勗而郭嵩壽復緘以時

艱同值宜委曲以期共濟願以臣倖直爲非茲因與事  
貽悞已深憂懼交集始侃侃直陳而已無及矣

諭旨責其負氣責其不據實陳奏而稱疾乞退是郭嵩  
嘉咎由自取早在

聖明洞鑒之中臣亦不敢因親好私情稍涉回護也幕  
友徐灝少蹟臣無從查知不敢置隊自古用兵之際主  
兵者每因軍務繁重不得不廣辟幕僚相助爲理如唐  
之掌書記晚唐五代之典籤皆是也然必主兵者能躬  
自綜理乃免貽誤若一委之幕客而幕客又不得其人

則因緣爲奸勢所必致

皇上察廣東軍務之誤則知瑞麟察瑞麟之誤則知幕友徐灝矣至督臣之於撫臣雖有節制之義然分本等夷彼此當以協恭爲尙如宋臣韓琦范仲淹富弼歐陽修之在朝堂遇有意見不合則力爭之退則依然友朋之素此和而不同之君子也若必以相忍爲和則樹黨養交弊從此起臣下之利非朝廷之利臣愚以爲臣下意見不妨時有而是非要不可不明此自在

聖明之權衡酌奪而已除將臣與郭嵩燾有應迴避另



摺請

旨改派查辦之員外謹就愚見所及據實直陳伏乞聖鑒訓示施行謹

奏

同治四年九月十八日

陳請改派訪查事件及應行迴避摺

奏爲奉

諭訪查事件應請迴避請

旨改派事竊臣欽奉八月二十一日

寄諭郭嵩燾奏多病懇請准開缺一摺另奏廣東軍務約有數誤請將督署幕友徐灝擯退請飭左宗棠督辦鎮平賊匪並覆奏御史潘斯濂條陳各片前有旨諭令左宗棠馳赴鎮平督辦軍務刻下計已接奉此旨卽著就近將郭嵩燾所參各節確切訪查據實覆奏本日

又據孫長紱奏虜席兩軍現議取道赴粵並探聞李世賢爲汪逆刺斃並著查明具奏欽此跪聆之下悉我

皇上軫念海疆實事求是至意惟鎮平業經克復粵境之賊悉數竄入江西邊界距閩邊太遠臣部各軍已分

道追剿業經臣疊次馳報在案局勢迥異從前察看賊

情西趨甚速江西粵東均非其駐足之所臣自毋庸入

粵並恐各將領藉詞聽臣調遣翻致觀望遷延更滋貽

誤業經臣覆陳並懇

收回成命矣至郭嵩燾各摺片

諭交<sub>臣</sub>就近訪查據實覆奏<sub>臣</sub>與郭嵩燾生同里開且  
與<sub>臣</sub>胞兄兒女媼親應請迴避伏懇

簡派妥員查辦以昭核實除首逆李世賢實被汪逆海  
洋刺斃<sub>臣</sub>已附片陳明外謹據實覆陳伏乞

皇太后

皇上聖鑒訓示施行謹

奏  
同治四年九月十八日

附陳軍營染患時疫情形片

再各軍近因疾疫繁興紛紛具報蓋師行山谷之間飽

受烟瘴又時冒雨忍饑枕戈露宿足以致之現據高連陞劉清亮劉典等報稱軍中患疫者皆逾一半弁勇傳染物故頗多而康國器一軍爲尤甚王德榜一軍拔赴汀州後亦患病紛紛惟黃少春一軍尙未據呈報康國器因病勇過多哀懇暫撤臣以軍事喫緊未便准行而一時潰發積餉亦實若無從搜括已勉諭其將精銳挑留好爲調養矣頻年軍中患疫率在溽暑之時茲則節交霜降乃發一發卽沈篤不起如道員張恒祥副將余佑民之亡尤堪憫惻高連陞已由興甯前進劉典一軍

已於九月初一日由會昌取道贛州赴南安黃少春一  
軍亦由武平會昌續進劉清亮則尙駐江西長甯未能  
拔行也病勇卽須人昇行軍火輜重累贅尤甚邊界士  
匪極多不但無夫可僱且弁受其侵掠之害軍行艱苦  
於斯爲最然局勢所在又不得不疾起赴之臣惟有勉  
其盡瘁馳驅冀竟全功以紓

宸厯理合附片陳明伏乞

聖鑒謹

奏 同治四年九月十八日

軍機大臣奉

旨另有旨欽此

剿辦土匪情形并請將疎縱知州革職留任摺

奏爲剿辦上下府各屬土匪情形並請將疎縱要犯之  
知州革職暫留本任恭摺奏祈

聖鑒事竊照閩省興泉永漳各屬負山濱海民風獷悍  
向有烏白旗紅白旗小刀會千刀會等名目結黨拜會  
殺人行劫靡惡不爲上府延平所轄南平永安沙縣順  
昌等處游匪亦時散時聚乘機剽掠經臣等迭次剿辦  
並一面出示剴切曉諭一面督飭地方文武隨時搜捕  
會附片



奏明在案茲查永春州屬上場堡埔頭鄉一帶皆小刀會匪聚匿之所本年六月毀搶永春釐局一案當時雖緝獲要犯李達顏買卽陳啓洪春顏圍等四名而隨同搶局之上場堡顏姓埔頭鄉林姓以及西門街地棍李梓陳漢等尙未獲案並據永春州知州周式濂稟稱本年容緝埔頭鄉逃匪林乖曾傳伊家長監生林俞孝到案訊供行至中途被該鄉匪徒奪回上場堡顏姓於咸豐十一年糾眾焚搶生員鄭和光一案迄今未結此次該二鄉匪徒又聚眾毀搶釐局臣等當飭道員朱明亮

督同周式濂先行曉諭該家長等自將要犯細送如仍  
抗違再予剿辦詎該鄉匪徒倚恃黨羽眾多且有桃林  
舊城險要可據不交一犯七月二十七日朱明亮督勇  
馳赴上場堡該匪竟敢開放鎗礮轟擊傷守備羅得彪  
胸膛殞命石鼓徐山兩村援匪復蜂擁而來朱明亮督  
隊迎敵將援匪擊敗而寨內各匪猶負嵎抗拒守備黃  
得勝奮勇先登中礮陣亡勇丁連傷十餘名朱明亮見  
勢不可已傳令施放噴筒火箭將附寨房屋焚毀羣匪  
驚潰各勇乘勢殺入立斃匪黨五十餘名並獲該鄉家

長捐職千總顏必魁發州收審責令跟交各犯迺該鄉  
匪徒仍肆克頑八月初三日將朱明亮派赴同安挑運  
軍裝勇夫三十五名於距州城二十里之元帥格寒灣  
隘地方殺害僅逃出勇夫四名初七日復將朱明亮派  
往興化之外委陳林鳳及勇丁一名於途中殺害被押  
千總顏必魁旋卽在押脫逃匪勢益張二十八日顏姓  
匪徒竟糾聚數千人至西門街圍撲官軍營壘朱明亮  
督隊迎剿斃匪一百三十餘名官軍亦陣亡藍翎守備  
章起厚外委周勝彪擬保藍翎外委會獻龍等三名受

傷三十餘名薄暮收隊西門街顏姓當舖內又突出伏  
匪數百從後攔截經該營幫辦范秉誠等督飭各勇開  
放鎗礮擊退二十九日朱明亮復督各弁勇分攻石鼓  
徐山上場堡匪巢轟擊逾時該匪拚死抗拒朱明亮飭  
各勇佯退誘其出巢擊之匪果傾巢衝撲各勇乘勢縱  
擊斃匪百餘名適副將朱德明等將石鼓徐山攻破兩  
路兜剿共斃匪數百名立將桃林寨舊城平毀埔頭各  
鄉聞風畏懼願具限細交各犯求免剿捕臣等現已飭  
朱明亮等分別辦理矣其安溪縣所轄永安里謝姓長

二兩房亦恃族大人多屢次行劫抗糧拒傷兵役本年該鄉匪徒謝良等復搶劫武舉李維龍並泉州府商人金興順米石永春州商人鄭金成夏布各案該縣知縣羅運端三次赴鄉拏辦不交一犯比會營往拏又拒傷兵丁數名經臣等檄飭駐紮同安記名總兵楊和貴就近督帶弁勇馳赴安溪飭諭該家長等指拏著名各犯仍抗不交出楊和貴督縣親赴該鄉謝姓長房竟聚眾開放鎗礮抗拒官軍列隊齊進擊斃匪黨七十餘名餘匪逃散立將匪巢洗蕩並續獲首犯謝拈一名正法其

同安縣前次助逆撲城土匪經署該縣知縣白玉冠拏獲要犯邵敦正法又續獲要犯蘇吉楊綿二名均訊明通逆謀叛各情不諱已飭就地正法梟示又代理長泰縣知縣吳榮鼎先後拏獲楊代母楊眷楊知陳佐陳銳卽柯銳葉鎗楊吸楊任戴鼎葉搯葉鼎等十一犯又代理龍溪縣知縣楊慶容續獲方開歐揀任中三犯均訊明通逆濟匪屢次搶劫不諱已飭就地正法又詔安縣屬景坑東沈村厚廣村匪徒本年勾引髮逆攻陷縣城逆賊敗竄後經代理該縣知縣張鴻書拏獲東沈村首

犯沈宅並沈品沈培元沈純貢沈容書沈石秀吳陳六  
犯厚廣村李勇卽李友李風李恤李潤李樵李茂李枝  
狹李雲水李鍾李邊等十犯訊明正法旋查該鄉漏網  
匪犯甚多紳民控詞纍纍復飭署漳州鎮總兵羅大春  
前往查辦諭知景坑一鄉兇惡最著不但詔邑人民遭  
其擾害卽閩粵來往各商民亦時被詐擄斃命該鄉皆  
屬張姓四面環以小村地勢較厚廣東沈兩村寨尤爲  
幽險羅大春到詔安明示以抗不繳犯必予痛剿匪等  
仍置若罔聞八月二十六七八等日師進景坑匪徒數

干恃險抗拒當經羅大春指麾縱擊斃悍匪四十餘名  
生擒張鍾酒等十九名奪獲鎗礮五十三桿大礮兩尊  
旗幟九面將匪寨一律焚毀一邑稱快現已飭令該鄉  
及厚廣東沈等村一體細送首要各犯此剿辦下府各  
屬土匪之情形也其上府延平一帶本年春間擒獲首  
犯鄭基卽下府基正法後尙有鍾義古賴三滿鍾官仔  
等數要犯未獲六月間鍾官仔復糾聚匪黨竄至距洋  
口四十里甌甯縣所轄紫竹灘地方大肆焚掠殺斃多  
命復連擾大厝口廣根垵頭下臺三鄉范坑半坑等處



代理南平縣知縣王蘭會營往拏該匪已經各鄉聯甲  
擊散僅於山厰內搜獲陳雲清陳生清張藍八何十四  
等四犯訊供聽從鍾官仔糾邀入夥焚村殺人不諱當  
經批飭正法臣宗棠初接延平文武稟報即飭刑部員  
外郎張樹葵帶勇五百名馳往剿辦比抵延郡該匪業  
已四散現僅於延平附城一帶搜獲匪犯數起已訊明  
分別辦理其順昌縣知縣陳星聚於六月間飭團拏獲  
匪首郭英一名永安縣聯甲拏獲匪首蘇楊一名代理  
汀州府知府朱以鑑督縣責令涂坊紳工緝送著名匪

犯涂三滿攷若湖五涂缺之五李青源蔡福成蔡老陳  
牯劉揚七攷張雞斗涂經攷涂廣東狗等十名均就地  
正法現與江西會昌瑞金連界之武平長汀等縣土匪  
最多由營假歸弁勇及昨次劉典移營赴會昌追截竄  
賊各弁勇患病落後沿途被匪劫掠斃命者已據各營  
稟報不下數十人而已保花翎參將劉三元亦被匪毆  
搶致斃其扶病得脫者率皆劫洗一空裸體偃臥道左  
待填溝壑臣現咨江西撫臣飭屬嚴辦一面飭閩省地  
方文武隨時會拏無分畛域期將各匪逐一捕誅以儆

姦頑而安商旅此剿辦上府各屬土匪之情形也竊維  
閩省上下游各屬土匪橫行相沿成俗種種克悖情形  
無殊叛逆雖迭經搜捕匪風稍覺斂息而積習既久驟  
難期其革面革心現如興化泉州等處紅白旗烏白旗  
會匪尙未及懲辦永春州土匪剿捕亦未竣事汀州延  
平一帶游匪伏路劫殺出沒於水陸衝僻地方爲害商  
旅兵至則匿兵撤復起兵少則拒兵多則逃非有精兵  
良將建威而銷其萌廉明守令久任而善其俗行保伍  
之法嚴首惡之誅必致浸淫日久釀爲異患臣等不敢

姑息將就重貽地方之害惟當慎以圖之永春州知州周式濂於上場堡埔頭鄉匪徒始則稟請剿辦繼因該州紳士等有捐免坐賈洋銀八千元之稟又請並顏林兩姓匪徒免其拏辦臣宗棠以捐免坐賈義無所取飭令毋庸收受而應辦各匪犯仍當責令該鄉緝送以正刑章周式濂日久未獲一犯而朱明亮所獲發審之顏姓家長顏必魁又於在押時潛逃周式濂復具稟請將捐免坐賈洋銀四千元作為團費其中情節支離恍惚非畏事圖安卽得賄徇臣宗棠現飭周式濂據實稟

覆並密行察訪外相應請

旨將周式濂先行革職暫留本任勒令嚴緝要犯顏必魁到案審訊聽候察辦其剿匪陣亡之守備羅得彪黃得勝章起厚外委周勝彪擬保藍翎外委曾獻龍並請飭部照例議卹理合恭摺具

奏伏乞

皇上聖鑒訓示施行謹

奏同治四年九月十八日

軍機大臣奉

旨另有旨欽此

同治四年十月十二日內閣奉

上諭左宗棠徐宗幹奏剿辦上下府各屬土匪情形一摺福建興泉永漳各屬小刀會等匪黨素爲民害經左宗棠等派兵剿捕將首要各犯次第擒斬辦理甚屬認真仍著督飭地方文武實力搜捕以消奸宄而安善良永春州知州周式濂於土場墜地頭鄉應拏匪徒日久未獲一犯輒請免其拏辦於發審之類必魁一犯又復在押潛逃并請將該州紳士免捐坐賈銀兩作爲團費

種種情節支離難保無有心賄縱情弊周式濂著先行革職暫留本任勒令嚴緝要犯顏必魁到案審訊聽候查辦其剿匪陣亡之守備羅得彪黃得勝章起厚外委周勝彪擬保藍翎外委曾獻龍均著交部照例議卹欽此

軍機大臣 字寄閩浙總督一等恪靖伯左宗棠廣州將軍兼署兩廣總督瑞麟福建巡撫徐宗幹署廣東巡撫郭嵩燾同治四年十一月十二日奉

上諭左宗棠徐宗幹奏剿辦上下府各屬土匪並左宗

崇奏覆陳廣東軍務貽悞情形請將訪查事件另行派員查辦各摺覽奏均悉本日已明降諭旨將瑞麟郭嵩壽嚴行申飭並令瑞麟將募友徐顥驅逐矣粵東軍務正當防範喫緊之時瑞麟於布置調度機宜自當虛衷延訪共濟時艱郭嵩壽亦當和衷商酌務求至當不得偏執已見此後該督撫遇有公商事件總當以國事爲重毋許各懷私見再蹈前非方耀於軍務喫緊之際竟敢逗遛不進縱賊竄逸實屬玩愒業據瑞麟等奏參撤銷提督銜革職留營著瑞麟等卽飭令該總兵奮勉圖



功以贖前愆倘再畏葸貽誤卽著嚴參治罪卓興如不  
實力剿賊亦著從嚴參辦毋稍姑息賊蹤現又回竄粵  
東該省兵力本不如閩軍之精銳且卓興方耀不善駕  
馭仍恐不能得力必須左宗棠親往督剿方可掃盡狂  
氛著左宗棠懷遵前旨迅行前往認真剿辦瑞麟前已  
有旨令赴潮州辦理洋務卽著迅速前往妥籌辦理李  
福泰是否可用有無粉飾貽誤之處左宗棠此次摺內  
並未提及仍著查明具奏閩省上下游各屬土匪橫行  
相沿成俗種種兇悖情形無殊叛逆左宗棠等現飭地

方文武帶兵搜捕擒斬多名餘匪始稍知斂息第積習既久驟難期其革心且兵至則伏兵撤則起尤爲該逆等慣技左宗棠等惟當飭令在事員弁隨時訪查拏辦以銷其萌又擇廉明守令遇事化導久任而變其俗庶沉痾之疾或可日有起色剿匪陣亡之守備羅得彪等已明降諭旨交部議卹知州周武濂亦照請革職留任其辦理土匪是否得贖詢吏部左宗棠等查明參奏左宗棠另片奏軍營染疫等語高麗陸劉清亮劉典等軍患疫過半而康國器一軍爲尤甚該將士等爲國剿賊

馳驅况瘁近因師行山谷枕戈露宿飽受烟瘴以致傳  
染疫氣物故頗多覽奏之餘曷勝惻惻著左宗棠宣布  
朝廷德意多方拊循妥籌醫治給發餉需俾得迅消殄  
瘡足資飽騰以副軫恤戎行至意將此由六百里各諭  
令知之欽此